



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XV

BROJ: 247

DATUM: 1.10.2018.GODINE



Usluge Saveza PRAVNO SAVJETOVALIŠTE:

Selma Fišek, viši saradnik za pravna
pitanja
fax: + 387 33 552 810
selma@sogfbih.ba

FINANSIJSKO SAVJETOVALIŠTE:

Gregor Jurišić, viši saradnik za
finansijska pitanja
Fax: + 387 33 552 810
gregor.jurisc@sogfbih.ba

Sadržaj biltena:

Razmijenjena iskustva i najbolje prakse

Savez općina i gradova FBiH na
radionici "Upravljanje imovinom jedinica
lokalne samouprave"

Savez općina i gradova na
obilježavanju dana Općine Zavidovići

Općina Stari Grad je najtransparentnija
jedinica lokalne samouprave BiH

Uskoro postavljanje "zelenih otoka" u
Starom Gradu sa više od 20 novih
kontejnera

Općina Stari Grad postavlja "solarna
stabla" na javnim površinama

Dani berbe grožđa— Brotnjo 2018

Međunarodni sajam energetike, voda i
okoliša RENEXPO BiH, po peti put u
Sarajevu

Energa 2019

U Sarajevu održana Tehnička radionica
na temu financija općina i gradova

Najava obilježavanja dana općina
i gradova za mjesec oktobar/listopad

Bilten Saveza općina i gradova Federacije Bosne i Hercegovine

Razmijenjena iskustva i najbolje prakse

Dvodnevna konferencija pod nazivom "Regionalni događaj na temu upravljanja odgovorima općina na migracije i vanredne situacije" je održana u Sarajevu u periodu 18.-19. septembra. Konferenciju je održana u saradnji sa Deutsche Gesellschaft für Internationale Zusammenarbeit (GIZ) i Mrežom asocijacija i lokalnih vlasti Jugoistočne Europe (NALAS).

Cilj regionalnog događaja je bilo prikupljanje naučenih lekcija vezanih za migrantsku krizu iz općina u Srbiji i Makedoniji, u svrhu razmjene iskustava i najboljih praksi u širem regionalnom kontekstu, uključujući i ostale zemlje Zapadnog Balkana koje se suočavaju ili bi se mogle suočiti sa sličnim izazovima. Na skupu su aktivno učešće uzeli gradonačelnik Bihaća, načelnik Tomislavgrada i direktorica Saveza općina i gradova FBiH.



Sa konferencije "Regionalni događaj na temu upravljanja odgovorima općina na migracije i vanredne situacije"

Savez općina i gradova FBiH na radionici „Upravljanje imovinom jedinica lokalne samouprave“

Gledajte Savez općina i gradova
Federacije Bosne i Hercegovine na



U Sarajevu, u zgradi UN-a, 20.9. 2018. godine, održana je radionica „Upravljanje imovinom jedinica lokalne samouprave“, koja je organizirana u okviru projekta *Lokalni integrirani razvoj (LIR)*, koji financira *Europska unija u Bosni i Hercegovini*, a provodi UNDP. Na radionici je učestvovalo više od 70 predstavnika i predstavnica općina i gradova u BiH, uključujući i predstavnika Saveza općina i gradova FBiH.



Sa radionice „Upravljanje imovinom jedinica lokalne samouprave“

Cilj i intencija radionice je poticanje javnog diskursa u smjeru problematike procesa upravljanja imovinom jedinica lokalne samouprave i procjene trenutačne situacije u segmentu upravljanja imovinom, naglašavajući primjere iz prakse i iskustva iz Hrvatske i Srbije, relevantnu legislativu, stvaranje novih prihoda, te rapidno rastuću ulogu informacijsko-komunikacijskih tehnologija u upravljanju imovinom. U srži radionice bilo je predstavljanje različitih načina izrade modela upravljanja imovinom, inventure imovine, estimacije vrijednosti, računovodstvo imovine, financijske analize, te praktične implementacije modela upravljanja imovinom (Municipal Asset Management). Kao najrecentniji primjeri ove prakse prisutnima su prezentirana iskustva općina Odžak, Srebrenik, Bijeljina i Grada Banja Luke, pri čemu su načelnik Općine Odžak, gđin. Jakov Ivanković i načelnik Općine Srebrenik, gđin. Nihad Omerović, sudjelovali kao panelisti na panelu posvećenom spomenutim primjerima iz prakse, zaključivši kako efikasno upravljanje imovinom daje krucijalan doprinos razvoju lokalnih zajednica.

SAVEZ OPĆINA I GRADOVA FBiH NA OBILJEŽAVANJU DANA OPĆINE ZAVIDOVIĆI

U subotu, 15.09.2018. godine obilježen je Dan općine Zavidovići kojem je prisustvovao i predstavnik Saveza općina i gradova Federacije Bosne i Hercegovine.

Tokom svečane sjednice općinskog vijeća, prisutnim vijećnicima i gostima se obratio načelnik Općine, mr.sci. Hašim Mujanović, istakavši da je prethodna godina bila uspješna za općinu. Načelnik Mujanović je posebno naglasio napore općine u kreiranju povoljnog poslovnog okruženja, donošenje strateških dokumenata i usvajanje prostornog plana općine. U nastavku sjednice prisutnima se obratio i g-din Šefik Džaferović, prvi zamjenik predsjedavajućeg Predstavničkog doma Parlamentarne skupštine BiH, te su svečano dodjeljene nagrade „Alen Mehmedović“ najuspješnijim studentima, a prigodni pokloni podijeljeni su i općinskim vijećnicima od strane udruženja žena: „Krivaja - Iskra“, „Majska ruža“, „Zejneb Zavidovići“ i dr.



Grb Općine Zavidovići

KORISNI LINKOVI ZA PREDPRISTUPNE FONDove EU

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Općina Stari Grad je najtransparentnija jedinica lokalne samouprave u BiH

Analiza nivoa transparentnosti, otvorenosti i odgovornosti jedinica lokalne samouprave u BiH, koju je provelo UG „Zašto ne“ u saradnji sa regionalnom mrežom "ActionSEE", pokazala je da je Općina Stari Grad Sarajevo najtransparentnija jedinica lokalne samouprave u BiH, javljaju iz Općine Stari Grad. Mjerenje je provedeno u periodu od decembra 2017. do kraja marta 2018. godine. Kroz oko 80 indikatora po instituciji mjerena je i analizirana otvorenost 36 jedinica lokalne samouprave u BiH - općina i gradova.

U ispitivanju otvorenosti uprave, najviše zadovoljenih indikatora, prema navedenim principima, imala je Općina Stari Grad Sarajevo, dok je najmanje indikatora ispunila Općina Osmaci.

U pogledu interakcije sa građanima i kada je u pitanju sloboda pristupa informacijama, također je najbolje rangirana Općina Stari Grad Sarajevo, a najlošije su Općine: Berkovići, Bosanska Kostajnica, Istočni Mostar, Krupa na Uni, Čelić, Doboј Jug i Šekovići.

Prema ovom principu, najbolje rangirani grad je Banja Luka, a najlošiji je grad Neum. U ispitivanju najvažnijeg principa transparentnosti, ubjedljivo najbolji rezultat imala je Općina Stari Grad Sarajevo, sa 75% zadovoljenih indikatora. Najbolje rangirani grad, prema principu transparentnosti, je grad Prijedor sa 46% zadovoljenih indikatora.

Udruženje građana "Zašto ne" ovakvo istraživanje uradilo je i prošle godine, te izradilo preporuke za unaprjeđenje otvorenosti institucija. Nažalost, umjesto očekivanog napretka u oblasti integriteta pojedine jedinice lokalne samouprave ove godine pokazale su čak i gore rezultate u poređenju sa prošlom godinom.

Predstavnice Udruženja "Zašto ne" Selmu Aščerić i Daniru Karović primili su danas općinski načelnik Ibrahim Hadžibajrić i pomoćnica načelnika za odnose s javnošću i informacioni sistem Almedina Porča. Predstavljajući rezultate, Aščerić i Karović su istakle da je Općina Stari Grad imala ubjedljivo najbolje rezultate prema ispunjenom upitniku i analizi web stranice. "Radili smo prethodnih godina intenzivno na unapređenju komunikacije, približavanju javne uprave i otvorenom pristupu građanima i drago mi je što su to i drugi prepoznali. Ovi rezultati nas raduju, ali ne iznenađuju. Preporuke ćemo ozbiljno shvatiti jer vjerujemo da uvijek ima prostora za napredak, a voljeli bismo da naš primjer slijede i druge općine i gradovi," kazao je Haždibajrić.

Općinske i gradske vlasti u Bosni i Hercegovini ispunjavaju 27% indikatora otvorenosti, prema analiziranim principima transparentnosti, pristupačnosti, integriteta i učinkovitosti, koje zajedno daju ukupan pregled otvorenosti jedinica lokalne samouprave. U odnosu na zemlje regiona BiH se nalazi na trećem mjestu. Najbolji rezultat ima Crna Gora sa 48% zadovoljenih indikatora otvorenosti.

Prema rezultatima istraživanja i analiza koje je provelo UG 'Zašto ne' i regionalna mreža ActionSEE o otvorenosti jedinica lokalne samouprave u BiH, Općin Stari Grad Sarajevo je najtransparentnija jedinica lokalne samouprave u BiH.

Hvala za saradnju!

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelsmed.com
www.eacea.ec.europa.eu



Općina Stari Grad

Uskoro postavljanje 'zelenih otoka' u Starom Gradu sa više od 20 novih kontejnera

Općina Stari Grad implementirat će projekat uspostave tzv 'zelenih otoka' sa kontejnerima za selektivno prikupljanje otpada na pet lokacija. Projekat „Razvrstajmo otpad i zaštitimo Stari Grad“ pripremio je općinski Sektor za lokalni razvoj, a bit će realizovan uz finansijsku podršku Fonda za zaštitu okoliša FBiH. U narednim fazama trebalo bi biti uspostavljeno još pet zelenih otoka, a ukupno bi trebalo biti postavljeno 37 kontejnera, tzv metalnih zvona. Lokacije za postavljanje kontejnera utvrdit će se na osnovu prioriteta koji će se utvrditi na terenu.



Svaki kontejner će biti propisno obilježen naljepnicama i posebno obojen, odnosno prilagođen vrsti otpada za koji je namijenjen.

„U skladu sa Elaboratom o lokacijama reciklažnih dvorišta, niša i zelenih otoka sa lociranjem u prostorno-planskoj dokumentaciji i investicijskim planom, kojeg je izradio Zavod za planiranje razvoja Kantona Sarajevo, u Starom Gradu je planirana uspostava deset zelenih otoka sa ukupno 37 metalnih zvona. S obzirom na odobreni iznos u ovoj fazi implementacije projekta najvjerovatnije ćemo uspostaviti pet natkrivenih zelenih otoka sa 22 metalna zvona kapaciteta 2.500 litara“, pojasnili su u Sektoru za lokalni razvoj. Vrijednost projekta je 60.000 KM, od čega će Fond obezbijediti 40.000 KM, a Općina Stari Grad 20.000 KM.

Kontejneri će biti namijenjeni za odlaganje otpada koji je moguće reciklirati i to za odlaganje papira – kartona, plastike, stakla i miješanog otpada. Bitno je naglasiti da će kontejneri biti zatvoreni, te da će biti opremljeni polugom za otvaranje poklopca za ubacivanje otpada.

Općina Stari Grad postavlja 'solarna stabla' na javnim površinama

Općina Stari Grad do kraja ove godine će na javnim površinama instalirati tzv 'solarna stabla' koja će koristiti sunčevu energiju za osvjetljavanje okolnog prostora, ali i služiti kao solarni punjači mobitela, tableta i drugog.

Projekat "Prvo solarno drvo Općine Stari Grad" ukazuje na važnost korištenja obnovljivih izvora električne energije. Ukupno će biti postavljena dva solarna stabla: jedno na Trgu oslobođenja – Alija Izetbegović, a drugo u neposrednoj blizini sarajevske Vijećnice.

„U ovaj projekat ulazimo zajedno sa Fondom za zaštitu okoliša FBiH i zajedno ćemo omogućiti građanima, ali i brojnim turistima, da u Starom Gradu koriste solarna stabla za punjenje mobitela, tableta i prenosnih računara, kao i za besplatan wifi na javnim površinama. Također, planiramo izradu besplatne aplikacije kroz koju ćemo poticati korisnike na očuvanje okoliša, te važnost korištenja obnovljivih izvora energije,“ kazao je načelnik Općine Stari Grad Ibrahim Hadžibajrić. „Nastojat ćemo da sve završimo do kraja godine i odmah pokrenemo proceduru izbora dobavljača,“ dodao je.

Iz općinskog Sektora za lokalni razvoj, koji je pripremio projekat, pojasnili su da će solarno drvo koristeći sunčevu energiju služiti za osvjetljavanje bližeg okolnog prostora, te kao besplatni hotspot u starogradskoj jezgri usljed WiFi instalacije, kao dijela konfiguracije solarnog stabla. Sastavni dio stabla je i klupa koja će služiti za odmor. Zamišljeno je da solarno drvo postane tačka okupljanja mladih uz "praktičnu upotrebu" i edukaciju o obnovljivim izvorima energije.

„Kompoziciju projekta čine prijemnik i klupa. Prijemnik, koncipiran u obliku stabla, pretvara solarnu energiju u električnu“, pojasnili su u Sektoru. Uradit će i aplikaciju koja će biti besplatna i dostupna svim korisnicima pametnih telefona i tableta s operativnim sistemom Android.

„Aplikacija će biti izrađena u formi slikovnice sa animiranim sadržajima s ciljem podizanja svijesti mladih o ekološkim problemima, te značaja korištenja energije iz obnovljivih izvora i bit će na bosanskom/hrvatskom/srpskom i engleskom jeziku,“ najavili su u Sektoru.

Projekat "Prvo solarno drvo Općine Stari Grad" finansiraju Fond za zaštitu okoliša FBiH i Općina Stari Grad. Vrijednost projekta je oko 30.000 KM, za šta će Fond obezbijediti 20.000 KM, a Općina Stari Grad 10.000 KM.

Gledajte Savez općina i gradova
Federacije Bosne i Hercegovine na



Grb Općine Stari Grad



Solarno drvo

Dani berbe grožđa – Brotnjo 2018.

Turističko-kulturno-gospodarstvena manifestacija „[Dani berbe grožđa](#)“ manifestacija je stara koliko i sama općina Čitluk. Davne 1955. godine, točnije 16. rujna održani su prvi „Dani berbe grožđa“.

Sve do danas, svrha manifestacije je upoznavanje, zbližavanje i učvršćivanje zajedništva žitelja Brotnja i njihovih gostiju, očuvanje narodne baštine kroz prezentaciju izvornog narodnog stvaralaštva, njegovanje i širenje amaterizma u kulturi, poticanje jačanja kulturnog i sportskog stvaralaštva u cjelini, poticanje i razvijanje turističke ponude, poticanje razvoja poljoprivrede, te poticanje Razvoja gospodarstva kako na području općine tako i šire.

S vremenom ova manifestacija postala je najzanimljiviji kulturno-gospodarstveni događaj naše općine u kojem se na poseban način objedinjuju kulturno-tradicijske vrijednosti broćanskoga kraja

63. Dani berbe grožđa imali su spektakularnu završnicu. Trodnevni program tradicionalne turističko-kulturno-gospodarstvene manifestacije završio je smotrom kulturno-umjetničkih društava, pjevačkih skupina i pojedinaca koju su na najbolji mogući način zaključili Tomislav Bralić i klapa Intrade.

Broćanska manifestacija koja slavi mukotrpan rad vinogradara i vinara, te berbu plodova njihovog mukotrnog rada i ove je godine u svom programu imala sebi svojstven kulturni program, sportska natjecanja, predavanja za vinogradare i vinare, a ovogodišnji program obogaćen je primjerice turističkim forumom i druženjem diplomatskog kora s dužnosnicima Bosne i Hercegovine.



Sa 63. „Dani berbe grožđa“



Grb Općine Čitluk

Međunarodni sajam energetike, voda i okoliša - RENEXPO® BiH, po peti put u Sarajevu

Peti međunarodni sajam **energetike, voda i okoliša** - [RENEXPO® BiH](#), u Sarajevu će **24. i 25. oktobra** / listopada biti glavno stjecište biznis lidera, donosilaca odluka, domaćih i inostranih stručnjaka u oblasti **obnovljive energije, energetske efikasnosti, upravljanja vodama, ekologije i ekonomije**.

Istaknuti sajamsko- konferencijski događaj, fokusiran na unapređenje ulaganja u BiH, će biti otvoren u savremenom kongresnom centru hotela Hills, i omogućiti učesnicima modernu i efikasnu promociju, kao i brojne susrete, razmijenu znanja i iskustava sa više od 2000 stručnih sajamskih posjetilaca i 700 učesnika konferencije.

Oko **80 inostranih i domaćih kompanija** će imati priliku predstaviti **napredna rješenja, tehničku opremu, poslovne i finansijske modele** u oblasti:

energetske efikasnosti, korišćenja prirodnih resursa, infrastrukture vodonsabdijevanja i otpadnih voda, upotrebe otpada, kao i aspekte za unapređenje ekoloških i ekonomskih standarda.

Konferencija ide u korak sa zahtjevima tržišta i vjesnik je novih trendova kao što su: **održivi transport, grupno finansiranje - Crowdfunding, sistem energetskog menadžmenta** u BiH.

RENEXPO® Bosne i Hercegovine je idealna prilika za povezivanje BH tržišta sa inostranim investitorima i daje uvid u važne tržišne informacije.

Organizator sajma, njemačka grupacija REECO omogućila je besplatan pristup sajmu i konferencijama, uz online registraciju. Više informacija na web stranici: www.renexpo-bih.com



RENEXPO BiH

ENERGA 2019

9. po redu, međunarodni sajam energije, rudarstva, zaštite okoliša i prateće industrije, ENERGA, sa svojim konferencijskim sadržajima, održat će se 11-13.06.2019. godine.

U proteklom periodu, zahvaljujući postignutom kvalitetu sajamskog i konferencijskog sadržaja, uspjeli smo da se nametnemo kao regionalno prepoznatljiv događaj čije vrijeme održavanja postaje važan datum u kalendaru energetske sektora Jugoistočne Europe.

ENERGA je mjesto gdje se možete upoznati sa novim tehnologijama, dostignućima energetskih kompanija, razvojem i rezultatima energetskih politika i strategija, integracijom obnovljivih izvora, razvojem energetskih tržišta odnosno trendovima neizbježne sveukupne tranzicije energetskog sektora.

Očekujući Vašu prijavu za 9. izdanje ENERGA otvoreni smo za Vaše ideje, sugestije i prijedloge saradnje, sa iskrenom željom da Vaš nastup i poslovni rezultati budu što uspješniji.

Vidimo se na **ENERGA 2019!**

S poštovanjem,

Vaš, Tuzlanski sajam

ENERGA

međunarodni sajam i konferencija | energija, rudarstvo, zaštita okoliša i prateća industrija
international fair and conference | energy, mining, environment protection and related industry

11-13 | 6 | 2019

U Sarajevu održana Tehnička radionica na temu financija gradova i općina

U hotelu Europa u Sarajevu je, u organizaciji Programa Urbanog Partnerstva Svjetske banke (WB) i Republike Austrije/ The World Bank-Austria Urban Partnership Program (UPP), 25. i 26.9. održana dvodnevna tehnička radionica na temu unaprjeđenja i finansijske samoprocjene javnih financija općina i gradova. Na radionici je participiralo oko 50 učesnika, dominantno predstavnici finansijskih odjela gradova i općina, eksperti za javne financije iz BiH, Hrvatske, Srbije, Crne Gore i Turske, predstavnici nadležnih ministarstava, te ostali predstavnici JLS, uključujući Savez općina i gradova FBiH, koji su predstavljali gđa. Vesna Travljanin, direktorica SOGFBiH i Gregor Jurišić, viši suradnik za finansijska pitanja SOGFBiH.



Sa Tehničke radionice na temu financija gradova i općina

Suštinska intencija radionice je poticanje dijaloga i razmjena iskustava predstavnika općina i gradova iz navedenih zemalja, s ciljem unaprjeđenja sustava upravljanja javnim (općinskim) financijama, pri čemu su diskutirani ključni segmenti tematike financija jedinica lokalne samouprave: participativno proračunsko odlučivanje, tj. uključivanje građana u proces donošenja gradskih i općinskih proračuna, u okviru kojeg je naznačen primjer Grada Pančeva iz Srbije; izvori financiranja kapitalnog proračuna; planiranje i financiranje kapitalnih investicija; pregled lokalnih javnih rashoda i izdataka u kontekstu PEFA metodologije; upravljanje javnim dugom, pri čemu je kao primjer prezentirano iskustvo Grada Tuzle; legalizacija imovine, te javno- privatna partnerstva kao modus financiranja i implementacije velikih kapitalnih projekata visokih investicijskih ulaganja i dugih rokova korištenja (primjer gimnazije u Gradu Koprivnici u Hrvatskoj). U okviru radionice prezentirana je redizajnirana i vizualno upotpunjena aplikacija za analitičku samoprocjenu i upravljanje općinskih/gradskih financija- *Municipal Finance Self-Assesment* (MFSA 2.0), koja će biti od enormnog značaja za optimizaciju upravljanja javnim financijama općina i gradova, u smislu procesa analize i evaluacije gradskih/općinskih proračuna i detektiranja oblasti, u kojima je potrebno unaprjeđenje.

Gledajte Savez općina i gradova
Federacije Bosne i Hercegovine na

You Tube





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC OKTOBAR/LISTOPAD

01. oktobar/listopad - Dan Općine Gornji Vakuf – Uskoplje. Ovaj datum se od 2008. godine obilježava kao Dan Općine jer je na taj dan 2001. godine održana prva sjednica Prijelaznog općinskog vijeća novouspostavljene Općine Gornji Vakuf – Uskoplje.

02. oktobar/listopad - Dan Općine Tuzla. Taj dan se tradicionalno obilježava kao sjećanje kada je Tuzla postala najveći oslobođeni grad u porobljenoj Evropi 1943. godine.

04. oktobar/listopad - Dan Općine Čapljina i ujedno Dan Sv.Franje – zaštitnika župe Čapljina.

10. oktobar/listopad - Dan Općine Sanski Most. Navedenog datuma 1995. godine oslobođeno je područje općine Sanski Most.

14. oktobar/listopad - Dan Općine Žepče. Prvi pisani trag o ovome gradu datira na ovaj dan iz 1458. godine kada je «na Žepču» kralj bosanski Stjepan Tomaš, sa sinom knezom Stjepanom, dao povelju logotetu Stjepanu Ratkoviću

22. oktobar/listopad - Dan Općine Gradačac. Tog dana u odbrani Gradačca 1992. godine zaustavljen je «Oklopni voz» na prilazu gradu.

23. oktobar/listopad - Dan Općine Orašje. Tog dana 1992. godine oslobođeno je selo Vidovice u oraškoj općini.

